

潛江縣志卷之六

知縣事劉煥纂修

邑人朱載震編著

門人劉連俊校正

饗祀志上

壇壝 廟祀

王者秩祀事以修禮經自朝廷達於郡邑崇德焉則有
祀酬功焉則有祀凡以為民也九土百穀民之所天社
稷者祈報所自出也庶之以壇壝虔告明禋用以邀福
於上下神祇春秋凡二舉示不瀆也祀首乎孔廟導民
以敬先聖先師明人心道心之防綱常名教之所繫也

潛江縣志

卷六

饗祀志上

一

城隍式臨乎有土神與質默祐夫彰瘡矣厲獲依罔恫
於公族矣勤勞之大夫儀型之鄉老咸聲明德俎豆尸
祝之弗諉固其英爽未替秩載舊典代有闡揚者矣香
界琳宮亦得附著蓋以創建多自宋元為祝釐衍儀之
地禮教在斯非若習尚相沿楮錢為市以愚其氓翕然
宗之而為淫祀者君子所不道也作饗祀志

壇壝

社稷壇 在縣治西洪武三年知縣史純一立成化元
年知縣呂文重建宰牲神廚庫房及壇門十五年知

縣胡璘增修久廢

洪武二年奉禮部勅每歲春秋二仲上戊致祭按地官大司徒設其社稷之壇而樹之田主祭用上戊重土功也今人遇初十日祭文廟乃于十一日祭社稷是次戊矣似于會典之儀未合如丁在初十須初一祭社稷此非臆說也丘瓊山程篁墩亦云然各郡皆于上戊祭社此獨不然不知何倣

風雲雷雨山川壇 在縣治對河南岸洪武三年知縣

史純一建每祭或遇風雨水漲渡涉甚艱成化元年

潛江縣志

卷六 饗祀志上

二

知縣汪志遷於縣治東南建宰牲神厨庫房十五年舊志謂縣河南岸蓋天順以前西河知縣胡璘增修今已失其故道歲久僅有壇遺而無

房舍

洪武二年例以城隍合祭於一壇

邑厲壇 在縣治東北水圯成化六年知縣汪志遷於

縣北建厨房庫房及壇門十五年知縣胡璘增修復水圯今遷於縣治西

按清明日七月望十月朔致祭以城隍主之

鄉厲壇 舊二十三里俱有今隨鄉村各便祭以九月

九日

按厲祭自三代以來有之明洪武命京都王國府州縣於城北郊各立厲壇每歲三祭春清明秋七月望冬十月朔在內命京尹主祭在外則守令主之先期牒城隍神至日祀以為主幽明之間各得其所阜康所由臻也

廟祠

文廟 崇祀至聖先師孔子以四配十哲配享以七十二賢及左丘明以下二人從祀兩廡

潛江縣志

卷六

饗祀志上

三

啟聖祠 祀啟聖公

名宦祠 祀名宦十一人

鄉賢祠 祀鄉賢二十二人

俱詳學校志中

按二祭相沿已久而肅怠叢生有視為故事者矣有藉為蔗餘者矣知縣王公又曰恪遵禮典精白乃心詳考法物倣豆籩簋尊罍之制而新之每于上下之先則齋戒祭所質明釋奠昔子路祭質明而始行事晏朝而退孔子曰知禮惟公為得古意焉

城隍廟 在縣治西北隅明洪武初年知縣史純一建

天順七年知縣呂文重修

職方主事盱江方嵩記 楚之潛江舊有城隍廟在縣治之西歲久傾圮邑令尹古汴呂公廷相欽承上命釋禍來知是縣謁祭之日周視祠庭椽桷腐敗階宇折墜登降俯伏若罔克施大懼觸民望貽神羞慨歎久之廼謀于縣丞臨邛蕭彥魁主簿石泉景思齊典史鉅鹿于清曰國家設官分職所以治民凡府州縣皆建城隍祠以祀之者所以爲民也有災也欲其捍之時歎也欲其豐之今廟貌傾弊若是上旣不足

潛江縣志

卷六

饗祀志上

四

以妥神靈下又不足以起人敬皆吾司牧者之過也願與諸公割俸以修葺之可乎僉曰諾於是各捐俸若干不浹旬衆材以集羣工偕作傾者直之顛者扶之朽者易之仆者撤而新之廟寢煥然門廡巍然經始于天順七年九月而告成于次年仲春越明年爲成化紀元夏主簿景思齊部糧來南畿乃以其事告于予且曰我呂公之德之功不貲于官不勞于民而盛事告成不可無紀述以垂永久敢假筆于執事願無靳也予辭弗容故爲直書其事于堅珉以侈呂公

之功

成化六年知縣汪志弘治五年知縣張景重修萬曆二年知縣李之珍增修前殿前楹十廟萬曆十九年知縣曹珩重修

邑人劉垓記 余觀曹侯之新城隍廟其有裨民教者哉夫天下有三權賞罰之權在朝廷是非之權在君子而禍福之權則在鬼神願賞罰法也得無有逃于法者乎而賞罰窮是非理也得無以其理而迂之者乎而是非窮自非鬼神司禍福之柄默尸而陰憚

潛江縣志

卷六

饗祀志上
廟祠

五

之何以使人之以勸以懲哉故莫尊于賞罰其權疎莫公于是非其權隱莫嚴于禍福其權爲不測二者未賞不相須而先王之神道設教有以也乃鬼神黷矣以語祀典之正關係民生者則孰與城隍吾邑之有城隍舊矣其神最爲靈應無論旱潦疾厄與夫雨暘愆期者輒往禱之卽民有善而被枉者曰吾將理于城隍有惡而倖免者私嚙指戒曰不畏城隍知耶夫善豈必福而其福善者恒也惡豈必禍而其禍盈者恒也不賞罰而嚴不是非而公使王法常存而天

理之不泯者微坡隍孰與于斯警乎大哉其權爲匪
測哉顧其廟在縣治西國初史侯純一創建之嗣是
汪侯志張侯昇李侯之珍曾遞修之未備也茲又逾
二十在于茲矣匪惟湫隘弗展而且棟折榱朽風雨
莫蔽當事者豈不顧瞻力詘謂何耳曹侯甫下車謁
神廟而慨歎曰吾與神非分幽明而理者與吾將藉
神以輔吾不逮而神廟不肅其何以棲神明而荅靈
貺也乃捐贖鍰佐以俸餘不煩民力一舉而新之前
爲大門三楹入爲拜殿又入爲兩廡十廟又入爲神

殿奕奕巖巖廟貌壯而神威赫矣不三月而工告成
視前四侯之功有加而二百年之祀典再肅其幕高
君請記以告來者余嘉侯之能爲民事神也乃不辭
而爲之記嗟乎國保于民民依于神彼以傳舍視其
官而以土苴視神者豈其祀典之不修抑亦民隱之
不恤耳侯惟孳孳焉蒼赤是念而因借神貞教用意
誠淡且厚哉或謂邑有神君安事城隍夫城隍常有
若侯之神君不常有崇城隍而寄以不測之權而後
神君之權愈尊故曰侯之新城隍禪民教也侯善政

種種不具書書其功在神廟者如此侯名珩蜀劔門人嘗典山東文衡若谷簿鑑臨川人高幕科蕪陰人皆與有勞于廟者徐司訓采夔開縣人龔司訓縉浙龍游人皆樂觀其成者例得金書

按城隍之名不經見惟唐李陽冰有當塗縣城隍廟記明太祖始有勅封鑿察司民城隍制詞京師命京尹主其祭府州縣守令主之新官到任則俾其與神誓而又付之鑒視糾察之責使有民社者不敢以非禮厲吾民也其與周禮司民之祭相彷彿歟

潛江縣志

卷六 饗祀志上

七

土地之屬也祭典以之附山川之祀

邑治蚌湖去縣西六十里有城隍廟不知創自何年豈舊縣遺蹟耶

八蜡廟 按八蜡先嗇一司嗇二農二郵表畷四貓虎五坊六水庸七百種八所以報本反始息老送終聚萬物而饗之非特八神也而所重者八以其獨有功于田故也仲尼曰百日之蜡一日之澤今廟祀缺然似宜創舉焉

東嶽廟 一在龍淵市明成化四年知縣呂文遷於縣

河南岸萬曆二十六年知縣曹珩重修一在白湫一
在縣北石磯天啟三年知縣陳夢琬建康熙十年水
崩圯移建於北郊外二里許

景陵中允劉必達記 頌賢令者必曰神君明乎神
與令之並尊也神如水在地方疏汗而茹清分膏而
溥澤無之而非民利者按祭法咸得有祠而潛之祀
獨巋然磯上蓋漢水自蘆扶而下西折入潛奔騰喧
虓勢若建瓴實惟磯砥柱之磯不敢恃則籲徼神貺
以恃無恐故祠與磯相庇如唇齒焉邇歲磯流震激

潛江縣志

卷六

饗祀志上

八

祠址懸岸神聖露處鮫蜃侵宮即潛之篋社室廬宓
及乎將不自保士紳暨父母每過其下輒心悸神搖
不忍近眎顧念時儉費繁安得當事者慨然任之爲
潛邑造祉乎屬不佞年友陳大夫以忠臣世裔筮仕
入潛甫下車謁祠見頹垣斷楹陋不可儀旋集里耆
詔之曰爾潛闔邑之大壙崇櫛比誰爲表鎮者乎迺
使神棲靡奠上雨旁風萬一神怒欲徙潛又安能晏
焉而已里耆謂欲葺祠請先以磯商磯安則祠安此
萬世之利大夫曰次第興舉爲費奈何父老逡巡不

敢應大夫曰若曹固哉任于我矣雖灾氛頻仍廩庾
蕭然計誠無所出第吾爲若邑長神弗歆民有司之
罪也遂慨然捐貲若干聽諸慕義者稍佐之度可布
工爰簡里胥之勤慎者董其事隨鳩匠庀材構前後
殿六楹東西各五楹負殿而峙者爲子孫祠大夫衆
人之毋而騶虞麟趾化被南國也一爲福祿祠大夫
受祿于天而飲食五福敷錫庶民也逮至僧舍賓居
醕廩茗厨靡一不具繚以垣楹周飭丹碧輻軒之使
紀綱之僕凡經行斯境者望而知爲奇觀焉自是上

帝稱享馮夷靖戢秋水偶至不復敢與磯抗惟邈迤
循磯而去百堵安萬室盈先王因成民而致力于神
大夫致神以及民其揆一也蓋大夫東牟人秦岱在
其封內者維岳降靈所助者順此與受金簡玉書于
滄水使者絕相類不然前此葺祠之議竟成築舍大
夫纔五閱月而告成豈人力哉不佞達典在掌故竊
欲取大夫之功置之西門豹史起殷衰之中恐大夫
尚夷然弗屑矣大夫諱夢琬宣城靖獻公後
按鄭子產曰山川之神凡水旱厲疫之災于是乎禱

之皆有功于境內者也朱熹亦曰非境內山川與我不相關自不當祭之今東嶽行祠遍天下而四岳則各祀于境內豈非以觸石而出膚寸而合不崇朝而遍惟泰山者乎

馬神廟 在縣治儀門左小雅云吉日爲戊旣伯旣鑄注謂伯爲馬祖將用馬力以吉日而禱之則茲祀爲典所載也康熙三十二年劉侯煥建

土地祠 在縣治儀門左

關帝廟 帝之祠遍天下幾與尼山並卽邑境內立廟

潛江縣志

卷六 饗祀志上

十

祀帝者凡數十處據縣城內及縣西北縣南三祠有碑記可傳者具載餘不悉錄 一在縣治南十字街

東明正統三年知縣陳敏政建天順七年知縣呂文重修燬於火弘治二年知縣張昺督民蔣灝等重建嘉靖二十五年復火三十一年僧如靜募建崇禎十年邑人郭銑重修 一在縣西北忠義舖萬曆二十七年知縣潘之祥建公自爲記崇禎十二年崩圯

一在縣南三里萬曆間邑御史劉寅建

邑人陳一奇忠義廟記 邑治以東爲文獻里蓋郭

氏聚族之所簪組舄奕故名焉里有關帝廟創于正統三年邑侯陳公而火燬者再呂公張公後先葺之然規模草創陋弗可儀至世宗朝有僧如靜者請于諸檀議闢其庭址而艱于貲賴郭司理公暨刺史給諫兩公樹義捐金爲通邑先神庶乎有寧宇矣厥後雨風摧震門逕湫底邑大夫婺源潘通許安慨然思煥其制而捐鍰易罄鮮可慮成于時太守恭岡郭公解所懷之帶爲塗墍費而太守對岡公方在孝廉亦樂與襄之殿高而楹頰平列三門如左右翼廟乃衰

潛江縣志

卷六 饗祀志上

十一

然壯焉歎以位真諸僧訖無曠地爰是列屋而居者侈剝黜昧幾不睹漢官威儀矣我元銘公自山陽守還顧瞻其中輒愀然曰吾祖若父奕代相承萃滙茲里所徼神之靈者渥矣按祭法德施則祀廟貌弗康謂酬貺之儀何且祀典有百而關帝獨以丹誠著丹誠者帝生平所自矢卽吾家之仕譜也敢弗式歟乃不諮邦族不煩里旅鼎構正殿三間其崇數仞廣延倍是又爲圓通殿與殿相屬又爲門二重最後建庵顏曰證聖以處諸僧之祝釐帝座者皆累石爲基繚

以墉垣飾以朱碧凡入廟而登拜者如畏如慕如神
聖之憑臨而綏以百福也經始于癸酉春越八閱月
而工竣其任持僧明禎輩屬言爲記嘗攷古之爲良
吏者多致謹于神故王世安之守韶州也祠廟之墮
圯悉與更新及晉王君爲政則廉嚴伉爽宇下奉若
神明焉倘所謂至人合德者非倖祉于回也元銘公
在東海其能聲异治不亞韶州而事神恭謹則今古
同揆已朱考亭之言曰廟祀有靈皆山川之精氣所
運然諦觀斯廟昉始于初年而聿新于茲禩悉郭氏

潛江縣志

卷六 饗祀志上

三

之祖孫父子綿衍而增拓之是氣運匪繫山川而奄
爲郭氏有矣昔人建峙致祥者如玄鶴來翔如五色
雁集如殿上感鐘音寢中見燭光事至靈異而非幻
渺也矧帝于文場爲樞柄廟成之會衆僑雲蒸繼是
者更繩繩其末艾則帝之大有造於吾邑而仁人之
澤且與俱永矣書之以爲來茲勸謹記

邑人劉昌吉詩併引 昌自兒時受漢書先中憲爲

解說先中憲未成進士時於余鄉太安寺感夢事絕
奇其後官比部數抗言奏彈權貴中涓雪理冤獄幾

不報荷侯數垂慈庇佑頗有跡得從請且獲生錄十
數人憶先中憲初每於五月十二日必提抱昌往肅
拜昌積今未忍忘第數十年未敢效贊頌今茲就養
城中偕長孫寅俊入廟瞻禮漫誦李溫陵詩有我心
無所敬只是敬將軍之句敢肆僭和頂首陳辭 憶
自兒時尊所聞敬初惟有漢將軍君臣兄弟奇忠烈
天日人心大義文一燭光何關異節孤刀威豈遂殊
勲武侯千古風流鑒髯在曾先美絕羣

知縣潘之祥漢壽亭侯祠記 潛北舊有水到歲久

潛江縣志

卷六 饗祀志上

三

湮塞民患沮洳其上有官舍門廡廢鞠爲草園矣余
始過其地惻然亟命修剝操畚鍤具磚木不踰月告
成水道復通余因卽故官舍地建祠爲楹者六爲廊
者二爲門者一周以牆垣左爲水厨右爲楮困而易
官舍于其傍榜曰忠義其祠以祀漢壽亭侯特奉府
檄趨景陵止于西寺僧舍愛其山水秀麗大類西湖
曳履登眺久之因取其僧四人以歸使居祠奉祀事
而里民郭綏原捐田二百十三畝余因籍入祠命僧
歲收其利具饌粥捐俸買近祠田五畝使種蔬菜設

鐘鼓磬鐸而訟之曰而知余建祠之意乎夫潛若水
藉剏以洩之剏壞則障溢茲之剏城郭近焉修之亟
而使守者弗勤猶弗修也余故命爲剏而卽剏之地
爲祠朝夕諦視水之消息出入又念關侯舊守荆潛
爲屬國潛之子姓其先世皆奉侯之教令至于今粒
食皆侯之賜而無以報德非所以隆重其本故奉關
侯而舊之官舍榜曰陶朱于義無當易以忠義以侯
之耿耿大節猶可風天下矧其素所居守者乎是祠
以侯建侯以剏立剏之疏塞係侯之興廢侯之興廢

潛江縣志

卷六 饗祀志上

廟祠

十四

係祠之有無祠固不可已也雖然侯之神如水在在
皆是何獨私一潛予獨慮潛之民被水之患欲假神
之靈以福我潛使魚鱉之場皆禾稼之地而人人歆
神之惠于無疆也則侯之澤於潛者大矣祭法曰能
捍大患者則祀之侯禱曹落吳旣歿而精英行宇宙
拯弱扶危翊運濟困往往人能道其事是能捍大患
者祠之立豈虛哉旣成而幕僚曹公懋砌石若干寸

倅劉公啟業具什噐曹四川黎州人先世籍新安劉
四川成都人

邑人歐陽栢壯繆侯祠記。侯大節磊磊英勇冠世，自縉紳先生與里夫巷婦稱述不去口實，自都會至四方，并聚鄉落，肖其像而祝之。漢建安迄今二千餘年，猶一日也。夫侯之始也，心知吳為漢賊，奮然絕其婚，罵其使而不與通。吳固欲甘心於侯矣，以昭烈之明，孔明之智，計不及飭兵備為侯聲援，而令其武功不就，墮遜蒙之狡謀，此非人也。數也，數雖奇而其節槩雄勇，聲施後世，不隨人與骨而俱朽焉。直菴劉君為御史，以風節著聞，歸田以來，每坐起，侈譚侯之生。

潛江縣志

卷六 饗祀志上

廟祠

十五

平又歎陳壽志侯而事多畧，夫亦與侯臭味相似。爾頃為侯建祠城南，祠與贈公神道碑東西相望。御史過侯祠，則起敬；過神道，則起孝；起孝，仁也；起敬，義也。仁與義，以身先之，繇今以往，風起後人，為仁人義士，而必稱述尸祝於侯也者，其在斯乎！其在斯乎！

火星廟 在縣治南十字街西五行之生序次曰火天地之大用萬物永賴焉。天順闕，知縣呂文建

火星樓 在縣東河街，先是邑多火災，萬曆元年，知縣李之珍禱修，今崩入河。

水府廟 舊在縣治正街成化六年知縣汪志遷建於東河岸嘉靖二十四年知縣黃學準遷建於北門外河岸以鎮石磯萬曆九年主簿劉鵬改增爲樓今崩入河

楠枌廟 在水府廟左知縣黃學準建自爲記今崩入河

知縣黃學準記 郎官黃學準氏曰予遊江湖間晚始知楠枌神之名江湖人凡稱楠枌皆虔心致騷依詢之師巫無可憑准其言神在江湖變化顯異能司

潛江縣志

卷六 輿祀志上 廟祠

六

風浪弘濟舟船普救疾厄默相大工皇木後先至不誤欽期叠叠不能殫述大抵皆奇奇恠恠可喜可愕者鬼神之理容有之矣予海濱之人聞諸海賈事天妃峻靈王諸神爲甚謹暨壯什楚楚俗尚鬼名號紛錯蓋有搜神記所未載者宜乎知神之晚也職忝牧潛縣址逼襄河先任茲者率支持目前衝嚙日近去民居僅三五尺大成殿與分司直丈餘耳予嘗建石磯一所河堤竹木排障九十餘丈隨圯于水僉謂厥土浮壤無力不能負載木石亦有潭穴水物所居卒

難成功嘉靖戊申歲郡侯又洲劉公偕二守昆池張公實來相度始議添三磯頭爲支水計分守小洛何公分巡太乙張公相繼臨工示以要旨予謬承重委竭力盡心與同主簿李君璧典史劉子時仁率公正人等躬荷畚鍤將成忽析凡再更之而始定時已六月大水踰期不至乃爲速成之而漲忽暴至河堤水不沒者數寸所賴石磯砥柱風浪相撞勢甚危殆予輩與學博陳君倫袁君壘周君文晝夜坐水次視消長以占否泰居民鳴鼓聚衆勉強從事實令其壯

潛江縣志

卷六

饗祀志上
廟祠

七

下徙家資他往也予爲杖而復之既乃相率叩拜水府祠又相與呼曰楠枿救我行當別廟祀爾神請予父母刻碑以銘爾神功神或降筆連書保字衆心少安或曰水再加尺則越磯破堤入市矣適上流數里仁和義豐之堤決水勢漸分川水忽漲壅其下流月餘不消既退則沿河陡岸皆澄積泥沙漸洲渚矣老稚欣欣舉手加額曰微神吾其魚乎學準氏曰夫人定勝天國興聽人固也嗟夫磯之始建也而析而固卒遇洪濤駭浪水石相犯千態萬狀竟以無虞雖人

謀之已臧非有物以呵護之不可予敢貪神功以爲已功哉所謂大水踰期不至與夫滿不加溢退不遽涸者神耶遇邪不可得而知也抑有說矣潛江郢都屬邑帝居伊邇二聖宸宮在望金玉相輝則夫山河擁護百靈効順以翼千萬載之皇圖者理無後先楠枿又忍畧諸神之功以專已功哉祭法曰能禦大災則祀之能捍大患則祀之神之血食茲土固非淫祀無福者矣宿願旣存公冗或奪民率造庭稽首曰大夫忘疇昔之慮乎凡民有約相與詛質於神以成其祠而鐫記焉

潛江縣志

卷六

饗祀志上
廟祠

六

信况面與神約而背之哉昔惠不祥食言不信詛神不義大夫其圖之予曰方慮若等忘之也乃擇日建祠而鐫記焉

三元閣 在水府廟後萬曆二十四年知縣曹珩建康熙十二年崩入河卅三年知縣王又旦遷建馬昌院丙十五年隄決復圯於水十六年知縣周元愷重修今瀕河漸淤僧普憫於二十九年募建仍舊基

蕭公廟

一在縣治南弘治七年知縣蕭瓚重修一在縣治北二十五里成化三年知縣呂文建今俱廢省

志有高興廟西北九十里今不知所在

漢馬伏波將軍祠 舊在縣七里河東黃漢院久廢明隆慶四年邑同知李崇信重建

邑人李崇信記 漢新息侯馬伏波將軍祠荆鄂古道間在在有之意其征南時都人沐其過化久而祠之以識弗諼與余邑大河東長堤蜿蜒數百里舊傳高季昌所築名高氏堤渡河循堤五里許亦有將軍祠其創建所由來不可攷已先贈君讀書其中誅菀闢宇重爲畫像久亦就圯余自漢上歸間一至焉則

潛江縣志

卷六 饗祀志上

九

藜棘莽翳茅茨鬱鬱鄉有禱祀輒文葦成禮而已歎曰嗟乎是何足以棲明神哉遂有鼎新之志以余婚嫁未畢弗逮也隆慶庚午諸子俱能析火自食余暇得拉親知出郭課農徜徉泉石而祠去小庄僅數十武岡勢聳邃木陰彌望倦遊小憇亦自奇勝因與祠祝包相形卜宅鳩工計材先爲殿三間中刻木爲將軍像旁列侍像若馬武耿舒等聚金爲爐鐘鼓各一命祝朝夕考節以祀神史稱將軍美鬚眉整儀表今瞻對儼然若覩殿後中爲真武宮以俗不真武不崇

也祝無藉以爲食左右爲寢室祝主之周遭皆磚圍
四固殿前又爲拜殿一間亦夾起女牆最前爲磚門
一座題曰漢馬伏波將軍祠旁有隙地左爲厨右可
蔬也更爲繚重垣護之蓋雖故址依然而規制宏敞
金碧燦落巍然成大觀矣鄉人無遠近聞者慕見者
悅祭享較昔益加虔恣則又籍居民歲輪香火以歆
神月儲米粟以餉祝將爲經久之計焉以隆慶庚午
春二月起工逾年而畢先後計費殆百金云嗟乎將
軍英聲偉烈振耀漢京南服馳驅老且益壯千載而

潛江縣志

卷六

廟祀志上

三

下想其累尸之語據鞍之壯猶足以激凡起懦凌然
九霄我贈君少負雄才晚厄奇數其有事於祠也寧
無意耶故余之卒是役也一以妥將軍之靈神一以
發先君之隱志非徒張觀侈費重繁土木爾也後之
孫子世以及世時葺其舊或圖其新神之聽之降福
孔皆其將未艾哉

邑人喻曉詩

高氏隄邊漢將祠具瞻猶見漢威儀
豐功不獨題銅柱遺愛于今載石碑古木空風葉
落寒煙滿地夕陽遲將軍已歿千年後尚走村童伏

臘時

文昌閣 在縣東仁和垸邑通政劉道隆建

夏王廟 在縣西四十里新豐市屯營隄工告成建祠以祀大禹

周邑侯祠 祀知縣周公公諱延字南喬江西吉水人進士嘉靖間建今廢

潘邑侯祠 祀知縣潘公公諱之祥字伯和江南婺源人進士萬曆間建祠於忠義舖今崩入河

陳邑侯祠 祀知縣陳公公諱夢琬字充孟山東蓬萊人進士祠舊在水府廟後圯於永康興五年邑人莫若玉移建於元真觀左

潘江縣志

卷六

饗祀志上

三

三原孫枝蔚題陳侯祠呈莫釐峯詩并序 莫翁釐峯名若玉年已七十矣以應試之文受知于邑侯陳則童子時事也一日之知而終身不能忘于心乃重新祠堂于郊居之左歲時率子弟拜跪供祭祀又慮祠久而或毀也于祠內更建文昌閣庶幾邑人士有敬神而因及侯者慮甚周以遠也且翁家固貧一瓦

一木破產而後成之有足感者矣陳諱夢琬字充孟

壬戌進士癸亥筮仕潛江甲子分考楚闈所取皆知
名士丁卯擢南璽丞靖難間有陳尚書廸者成祖欲
降之不屈斷舌喫血罵不止以灰即公先世也壬戌
闈中閱公卷者方躊躇取舍夜夢偉人肅謁不能言
但張吻而已似有求者數夜皆然閱者某公疑之遂
取公卷中式出闈徧詢諸門生公言先世狀某公驚
歎傳其事余獨以為忠義之靈豈知富貴為何物不
應如世所傳瑣瑣愛其後人乃自屈下如此主司頭
腦豈別有物焉憑之耶于次章專闡此指用抒景仰

潛江縣志

卷六

饗祀志上

三

當亦莫翁所樂聞也 壺飧惠亦微感激固難已鄙

哉越石父責備在知己陳侯有祠堂乃自莫翁始無

以酬知遇終身肅拜跪此意勝王商但厚嚴與李商

嚴君平李嚴李雖鄉賢鄉賢寧止此子雲與文翁如

何闕祭祀至于知我者德與生我比誰能敦古道一

使薄夫耻莫翁誼誠篤陳公名亦美吾不慕陳公墓

公門下士翁夙抱奇志腹中富文史使其早登朝樹

立見風軌蹉跎及暮景遭逢記童子驥老最可傷士

貧亦常耳 昔當成祖時靖難事忍論矯矯陳尚書

烈烈光星辰罵聲不絕口舌斷義乃伸誰暇慮苗裔
一歿成吾仁皇天眷忠義食報在後人科第尋常事
公然勞鬼神未必公之靈區區私所親主司誠冬烘
得失云有因明日諸門生附會到傳聞疑惑張吻者
必是喫血臣正氣竊所依誕罔竊所嗔作詩掃雲霧
庶用表嶙峋

羅邑侯祠 祀知縣羅公公諱萬象字伋菴江西南昌
人舉人建祠在北門外今崩入河

朱邑侯祠 祀知縣朱公公諱嬰洽字鴻甫號明山江

潛江縣志

卷六 饗祀志上

三

南崑山人進士邑知府隗邦衡記舊祠久廢康熙五
年邑紳士里民重建於縣治前正街之東崑山大司
寇徐公乾學爲之記

邑人隗邦衡記 明山朱侯諱嬰洽字鴻甫崑山進
士令吾潛六年被擢命下父老子弟不忍去侯侯亦
不忍去俾父老子弟悲也無何竟解履以行越明年
父老子弟思之而不能忘僉謀立石用記厥思而龍
山趙侯以言屬不佞或曰侯何得民易哉噫侯之得
民易正侯之所以難也侯性果毅剛直凡事之所當

爲與情之所欲爲卽風雨跋涉弗顧或有憾其不能
遂已之私者一切置之弗問縣治舊無城侯始下車
曰清田修城邑誠首務哉然有兼濟之道焉狀其事
請於撫按藩臬諸大夫以田之有餘給民之無田者
佑其直用以佐城費不踰年二者各就繼以條編例
請飭爲定式而田而丁而賦役大約視戶口阨塞以
已意裁之下吏不與焉數苦襄漢沮洳弗克有秋侯
曰噫吾安忍魚鱉我百姓哉亟修緝河防時或親至
其所所至未有不如今者夫侯以嚴明清白之操當

衝繁疲弊之邑當其時呼呵敲朴安能必民皆我諒
哉迄去之日廼父老子弟若有一日不能真諸懷者
其故何居蓋侯以已之艱苦勞瘁繫民之悲歌感慨
是故今之去而思皆昔時之敲朴而呼呵者其得民
之易也不可謂非得民之難者所致也譬若父母之
於子漸以歲月撻以箠楚不能保其子不號且泣也
爲之子者至立身成名闢田欲報之恩昊天罔極是
父母之勞其子貽其子以可思也古之論守令者曰
君子爲政不斬訶責而感恩懷德終不以訶責而遂

已於情其侯之謂與先是不佞忝部郎侯以賓興入
試遂與不佞交不佞知侯最淡侯不飾名譽不著聲
華卽夙夜不遑蓋曰吾行所宜然固不意民有今日
之思亦不意民之被其恩者至垂之不朽也嗟夫侯
以其可思責諸已而不以有思者望諸人此侯之去
所以無愧於思也維時趙侯代侯爲令聿觀厥成而
佐貳而博士皆後先共濟者例得勒諸石因併及之
以置侯祠之左云

大司寇崑山徐乾學記 古之君子其爲政也非沾

潛江縣志

卷六 廟祀志上

三

沾取悅於一時之耳目必將規畫設施大爲興革以
經其永久而弘其利賴是以其民始有所不便而其
後遂以大服至於身歿而謳思不衰歷歲久而廟祀
不絕豈非其入民者深而惠於民者遠歟昔者子產
爲鄭辨章服伍田疇鄭人咸怨且謗其後乃歌曰子
產而歿誰其嗣之夫生而憂其誰嗣則歿而不忘其
德可知也使子產沾沾爲取悅一時之計雖其始無
所謗怨然當世而忘其德者衆矣又安望其身後哉
潛江故邑侯朱公在明萬曆初令於潛距今百有餘

年矣潛民之思公如其在時舊立公生祠中毀於水
康熙五年潛民請之官願復爲公建祠以永厥祀維
時給諫王君又曰方宰潛邑因民所欲改建公祠於
縣南正街之忠義廟左民趨事者雲集恐後未朞歲
而祠成於是潛民以公崑山人實予同里先達因介
其邑之賢者朱君載震來請余記余按公之令潛多
善政其大者清田築城二事潛當漢水之委壘土爲
城垣數崩潰居民常患昏墊公至欲改築難其費潛
之田有王莊有軍屯有漁課有民田勢不可理豪右

潛江縣志

卷六

饗祀志上
廟祠

三

乘民急多占膏腴遺重租賦爲貧民累民以逃匿公
熟計久之慨然曰吾知所以築城矣遂請於臺使者
行清丈之法履畝畫界始令民自丈已抽丈已覆丈
若藩若屯若漁各歸其籍於是民田盡出令民得入
貨自占積鏹萬餘乃築城易土以甃凡四閱月竣厥
工又以其餘代貧民完逋賦民始時譁以爲非便至
是具帖服羣感悅謳頌雖其姦豪亦以爲朱公實愛
我也公旣改官去邑民攀留不獲乃立祠像公以致
慕思世異代遷而遺愛在人廟食勿替甚矣公之爲

政合於古君子之道非因循小補希效旦夕者所可
方比也余祖父與公為世戚聞公才識明練精神強
固常語人曰吾三日不視事則神不凝日課數十事
則手足矜奮腰膂有力故服官任事幹辦有方凡他
人所難公皆優為之公諱與洽字鴻甫號明山萬曆
甲戌科進士後歷官刑部郎貴州按察司副使孫日
燦前壬子舉人仕至參政元孫而錡壬戌科進士今
為臨淄令附書之以見循吏之必有後也

王邑侯祠 祀知縣王公公諱又旦字幼華號黃涓陝

潛江縣志

卷六

饗祀志上
廟祠

三

西郟陽人進士康熙十二年建祠於西街傳經書院
丙

江陵王文南記 邇古至今之懿蹟凡為天下者期

平治為郡邑者貴又安為民生計者期教養為艱巨
任者期整暇若無事此古君相之所禱祠而求而黎
民子孫所思尸祝而享也若夫衆歟完備于一身純
嘏重生夫一邑百年富教徑返舊觀萬姓化離卒成

殷庶

朝廷必特簡以彰酬庸報德之公地方必崇祀以神攀

轅臥轍之念纔知爲人上者甘勞心之憂始食勞心之報而亦使他時之爲人上者鑒盛德之弗諉勵永終譽無替則傲也漢治稱文景文景最治行其循良卓異若龔黃若卓魯在外則郡邑入朝卽卿貳天下之民舉安然後天子之願畢協故前代大賢有官台司而憾未作守令者曰仁恩所存朝發而夕可訖也卽吾楚忠宣文忠忠靖三先生爲名卿相率理斯語允洞然斯語可以得一世治平之故矣請言楚吾楚眎九州省郡爲疲而荆爲最疲郢次之蓋荆郢則舊

同一祖父者也逮建安爲郡而後以潛隸於安潛於郢荆誠爲甲邑然以人文科第甲楚能以財賦甲也財與賦則米與魚外渺無一物然又必一邑之堤壑無警始粗給米魚坻一不守而民盡爲魚矣豈惟無米將一之歲無米二之三之且流移逃亾愈無所云魚民矣蓋潛以千里蟠峽高山建瓴歷安郡而下上直射于沙洋郢荆共其利害中則潛又幾得其半至更下則直射夫邑治邇年邑城且半沒江心矣吾輩行其地履其險者可爲寒心蓋猶記前茲六載之連

潰潛民之挂瓢持鉢以行爲乞其負釜抱兒散於四方者蓋不惟男也漸至女不惟農也兼至士念以人文物萃之甲邑求稍存豹鞞而尚不得寒心哉公之蒞任則正是茲時於時潛之民幾無半在潛之賦都無半着而我公方至矣乃公仁心天賦清骨天挺下車謂其耆老曰

朝廷沛仁爲爾潛罹茲大患蠲征至三予更爲爾請于上潛賦較他邑稍緩以俟麥稻惟征例有耗羨今無毫髮愛不一月紳士稍可自給者咸縮食節用以爭

潛江縣志

卷六

饗祀志上
廟祠

无

先納而斯民則無不身作傭婦作織鄰邑鄰市作稱貸主以圖貿遷匹夫慕義潛士民有焉猶憶公蒞任之三月數聲聞吾江陵文曰潛其有賢父母矣又轉爲父母念之謂潛以鄂岳衝達荆襄要路上座與使星絡繹不絕爲令者卽薪蒸餼牽之何出而公則與民共作此堤堤成乃有歲向年最多之潰口難集之險工潛民不惟不之畏不之避競子來父事以趨之一時民鑒其誠者蒼天亦鑒其誠而潛舊如許之潰坻自公不潰矣公又爲之立書院以課士設重席以

優賢一時風雅文章之士盡入藥籠比至昨歲則黽
勉以辦軍需繇役芻茭應時而濟上臺倚毘焉乃更
不惟是公之好古性成每率作之陰則奇書數卷退
食之暇必朗誦千篇其觸興爲詩卽事成賦言飢溺
則字字血腥寫景物則章章典雅豈遜公鄉當年之
太青帶如諸先輩哉公之懿德奇才不可勝記文又
井中之蛙然觀自古名賢之循良台輔者若鄭僑若
寇萊若韓范歐陽功績言語之章蓋不啻數十端公
堪台輔簡命安得不遠及廉吏也哉公行矣潛之

潛江縣志

卷六

禮祀志上
廟祠

三十一

士民率其本心無辭控

帝其如廊廟之更需台輔器潛烏能留也哉而紳士父
老則又曰吾終能留我父母也父母蒞潛以來百種
憂勤百種撫字與夫百種興革勸懲之懋績口碑載
民猶古治行所易企獨是父母以誠正爲學羽翼六
經續千聖之薪傳而能得此千簿書錢穀之臣則未
易企也故擇于傳經書院之說詩臺尸祝無替將與
左史朱程有功聖門者金存天壤又奚翅桐鄉哉于
是八十眊人敬盥手拜香而爲之記

文昌祠 在縣治古沱潛坊之東康熙三十二年邑紳
士耆庶商民公建前爲門三楹左陰陽學右醫學內
爲正殿奉祀梓潼帝君後爲樓塑劉侯煥像於其上
侯自庚午秋來蒞潛江滌除前令之繁苛守潔政和
迄今四載如一日民比於嚴霜肅殺之後繼以陽春
焉至如抵補虛租清搭逃畝葺學宮修隄防皆善政
之久且大者潛人愛戴之切謀所以永侯功德爰卜
吉建祠勒績貞珉託俎豆於千秋云

邑人莫與先記 自郢而南潛當荆鄂之衝土風朴

潛江縣志

卷六

饗祀志上
廟祠

三

茂民殷殖有禮讓固咽頤之地也廿年以來河伯馮
陵土德不固茫茫陸海歲走龜鼉而潛異矣西山南
服頽稽 王命禁旅討逆雲集渚宮芻菱糗糒供億
烝仍脊于潛悉索焉而潛又異矣前政或刻覈或惛
弱城之狐社之鼠士之陽鱗與爲釜鬻以嗜啖此一
方單赤而潛又異矣語曰盡馬之力者馬必蹶潛民
昔之田疇不時修繇賦不時給橫蒙不避之聲者此
豈潛民之咎也哉君大夫清澗劉公奉 簡書來蒞
茲 譽其簿書棼如絲視其胥隸涕如麋召詰其士

子眊然如醒登進其耆老繭然而疲公噫貽良久坐而歎曰昔曹參相齊以獄市爲寄而民歌寧一今四封赤子固父母我而苟赭踊之無度侵牟之不改是國家之章紱祗資荼苦而俾吾民終衽席之不登與吾身痼瘵等爰咨爰度悉民疾苦革羨餘庶正供裕乎修倉廩庶蓋藏謹乎薄罰緩庶獄訟簡乎詳鞫讞庶刁誣懲乎他如急隄防則禁攀協彌盜源則嚴保甲崇忠節則修邑乘惇民風則講鄉約士民驛其聲而吟之召杜之頌洋溢洞庭南北矣然未足以殫公

潛江縣志

卷六

饗祀志上
廟祠

三

也邈公之異政則有抵虛租清逃畝二者之利被最溥且大而民之飲德爲弗諉也虛租者何有地畝則有賦役制也今歲輸惟正之供而不得蓬穎之土厝足焉告之上則曰籍久定也奈何有田者田售而賦徙彼虛租誰則售之其爲厲也未可以歲月計也公傷之而故額又不可闕也則勾稽瀕河淤洲洎地之脫漏版冊者抵之補之此去其籍而彼任其租請于上報可不朞年而潛邑相沿之稅政窮檐無告之劇患一旦氷解霧散矣逃田者何人徙而田荒者是已

前政給民墾種以辨租庸而桀驚民譟誣影射詭
擣捐腹在民而奢在官于是隨田議起舉凡領逃畝
者悉以未盡之荒逃攤而隨之蓋本周禮一易再易
之法亦政之無病于民者無如高下轉移權由椽史
有領甲隨乙者有領一隨十者有領熟隨熟者有領
荒隨荒者宿猾益利貧民重困矣公廉得要領手實
逃徙土田而鱗次之籍爲三等較多寡均美惡而後
授之不任隨者鐫骨銘恩卽任隨者亦帖耳頌神明
矣二三父老念潛民萬子孫被公之賜其何敢一日

潛江縣志

卷六

饗祀志上
廟祠

三

忘公欲生祠公格于律令乃庀材鳩功建文昌閣于
劇驂之衢奉文昌而貌公像祀其中以志孔邇之感
余聞古之生祠石慶之齊朱仲卿之桐鄉此其炳燿
者然漢近中古教令弗密大樸未鑿其展布見德猶
可契戾致也若夫信可乎下而不虞以詐來誠能格
上而不慮其掣肘如公今日則爲極難而余以爲古
今之循吏非耶其配以文昌也則亦有說天官書斗
魁戴匡六星曰文昌宮爲上將次將貴相司命司中
司祿公之太先生關西世胄建牙持節爲 國家雄

鎮者有年公秉家學性仁明而嚴肅有扞法網者雖舍中兒亦繩以三尺不貸春露秋霜四時之氣備焉則上將次將之說也潛士苦水苦貧苦庸調多弗精其業應制舉而售者曠若晨星矣公興文教嚴督課修黌宮濬泮水近者兩科登賢書者且四五人拔茅連茹蒸蒸未艾則貴相司命之說也恒情莫不欲富然上無以利導之富曷由哉公承敝劫之餘勸耕作警游惰寬商旅之征平均輸之價百貨蠶屯六工麋聚其不歌衆毋而咏五袴者誰哉則司中司祿之說

潛江縣志

卷六

饗祀志上
廟祠

三

也噫噉民雖至愚是非甚神其祀公而必先以文昌也蓋有脗合而不可易者豈質質焉無所證據而云然哉祠成屬余爲記余也八十氓人久邀福于博大長者其何敢以固陋辭乃質言其梗槩勒之于石以俟考風者之採擇云公諱煥字文山陝西清澗人祠地廣輪一畝而贏有室有門有閣至捐輸之姓名護作之匠役俱列碑陰茲不具載

潛江縣志卷之六終

